

# ICHÜBLETE 2004 – 10. JANUAR 2004

Mini erschti Ichüblete aus Redaktor wird's wärde. Warum, dass ig dr Bricht schribe? Nid wüu sich kene gmäudet het, sondern wüu ig vergässe ha, nach emne Bricht-schriber ds frage, hrmpf!!


D'Ichüblete findet zerschte Mau sit bestehe vode Chiubigigle nümm im Rest. National ir Länggass statt. Are you strong enough for the Chiubigigleeees?? → Ds National eher nid, aber irgendwie o verständlech, wenn sone Horde derhär chunnt...

Deswäge versueches mir dieses Jahr mau im Restaurant Jardin im Breitsch, wo ir Zwüschezyt zum Stammlokal vode Vorstandssitzige worde isch. Houptsächlech wäg dr agnähme Lag, aber o wüu mir vom Vorstand üs dort scho es paar gueti Kegufights glieferet hei.

Deswäge wird zum erste Mal nid zumne fixe Zytpunkt gstartet, sondern mir wärme üs mitemne 2-stündige Kegel a. Bim Kegel si 2 Lige entstande. D'Looser-League und d'Super-League. Dr Gwünner und dr Verlürer wächsle nach jedem Spiel d'Liga. Derbi zeigt sich, dass dr Vorstand vo sire grössere Erfahrig cha profitiere und sich die andere zu Beginn meh dermit abmüehle. Kegel isch haut scho ziemlech anders aus bowle. Vorauem ig ha das afangs müesse merke. Bim bowle chame ja mau e bombe hingerelah, Kegel hingäge verlangt nachemne fiinere Händli.....mit ähnlech viu Gfüeu wie meh ere Frou übere Buse strichlet, muess meh dr „Cheigu“ us dr Hand lah.



**chlini Stilstudie**



**Muu zue!**

Ab de 6i hei mir üs meh am gschäftleche Teil gwidmet, aber derbi natürlech ds Bier nie ganz us de Ouge gla. Zersch wird im Säali es neus Gruppeföteli gschosse und abschliessend no dr Vali aus Stimmezähler gwählt.



Dr Röbu verteilt, sini no druckwarme Dokumänt. Budget und Schlussab-rächnig. Aschliessend isch dr Tiff aus Redaktor verabschiedet worde. Dr Gälänsch, üsi Präsi het no 2-3 Sache für d'Chiubigigle und bevor mir zur Ab-stimmig vode Events übergöh, geits um d'Ufnahm vom Martin Bütikofer - „Büti“. D'Ufnahm wird zur Formsach. Dr Büti, mit 17 Ja zu 1 Nei Stimm, wird klar ufgno. Aber die einti nei Stimm wird zur Geburt vom Chiubigigu Huusdetektiv alias Kisu jun.! Ds Resultat vo sine Untersuechige laht allerdings zu wünsch übrig und scho bald nimmt är sich wieder meh Zyt für ds Bier und zum feste :-)



Aus Chiubigigu-Events für ds 2004 wärde gwäut:

- Hockey-Match → isch einisch meh e bündigi Sach gsi
- VBCG-Fest
- 24h-Brätle
- Wanderung

Ussert am 24h-Brätle einisch meh e gesunde Mix us Sozial- und Sportevent. Wird auso wieder e bündige Chiubigigu-Summer!



**so wärde Chiubigigle geehrt...**

Am Schluss si no 6 Chiubigigle us verschiedenste Gründ geehrt worde. Dr Gälänsch zum Chiubigigu des Jahres, dr Mischu Müller wäg sim Ustritt, dr Büti aus Neumitglied, dr Henä Zehnder für sini Vaterschaft und dr Tiff, wie bereits erwähnt, als Ex-Redaktor.

Ganz zum Schluss bestimme mir no ds Motto für üses 7. Vereinsjahr! „**Hie bisch deheime, o we de nid deheime bisch!**“

Nach dr Sitzig beginnt ändlech dä Teil, wo jede druf brönnt het. Ändlech „frässe“!! ;-)  
 O wenn i mi nümm rächt ma erinnere, was mir gässe hei, guet isches gsi! O süsch findi, dass ds Rest. Jardin e gueti Wahl gsi isch. Zersch chame es gmütlechs kegle gäh, aschliessend hets bündig Platz für d'Sitzig, dr Ässaal isch gmütlech igrichtet und dr Food isch zu guete Prise geniau!



**Buuchtest.....du hesch gnue gha.....**

**Mmmmmhh, i ma und darf no.....**

Bimne gmütleche Beisammensein hei mir dr Abe ir Beiz la usklinge. Aschliessend si die meiste no witer az Barstreet-Festival. Vo dort chani leider nümme brichte, wü i mi ufe Heiwäg ha müesse konzentriere.

D'Barstreetgänger unger de Chiubigigle hei aber anschinend no vei e chli gas gäh. Hie es paar Biuder dervo:



**Yeeeeeeaaaahhh!!!**

**Bier isch fein, schmatz!**



**So! göh mir mau hei!**